


欽定方輿路程考畧

河南省

第八冊



欽定方輿路程考畧

許州 在府西南二百二十里東西距九十里南北

禹州 界四十五里少北至州治八十里南至臨潁

縣界三十里北至洧川縣界三十五里少東至臨潁

治七十里東南至臨潁縣界三十里至

里西南至襄城縣界四十五里至縣治九十里東

北至鄆陵縣七十里西北至長葛縣界三十里至

縣治五十里又北至新鄭縣九十里本春秋許國

戰國為韓魏二國境秦屬潁川郡漢置許縣長社

潁陰縣皆屬潁川郡東漢末獻帝都許三國魏因

徙潁川郡治許晉因之後魏又徙郡治長社東魏

天平初分置許昌郡兼置潁州治長社武定七年

改曰鄭州移治潁陰北齊改州治潁陰曰長社又

有許昌郡以縣屬之後周改州曰許州隋開皇初

有許昌郡以縣屬之後周改州曰許州隋開皇初



郡廢改縣曰潁川大業初州廢復為潁川郡唐復曰許州天寶初復曰潁川郡乾元初復曰許州屬河南道貞元十年置忠武軍節度使五代梁改匡國軍唐復曰忠武軍宋曰許州許昌郡元豐二年陞為潁昌府屬京西北路金曰許州昌武軍屬南京路元亦曰許州屬汴梁路明初以州治長社縣省入屬開封府今因之明劉咸許州懷古詩東出釣臺望潁亭秋郊百里霧冥冥郡中無復來神雀天下虛傳聚德星曲水祠荒園樹碧西湖荷老野苔青德井不作鍾繇死惆悵何人續石經

山川潁水

一名褚河志勝在州西四十里自禹川東經襄城縣北引而東經州境又東入臨潁縣界

下流至江南壽州正陽鎮入淮

潁水

一名魯固河一名清沔河元和志俗名勅水志勝在州北二里通志源出新鄭縣大颺山

東流經長葛縣又東流至此折而南經臨潁縣合於潁水明范錫修汪家坡潁水河碑記州之東二

十里許名汪家坡者列堵數百家環地數百頃然而勢甚下以故水緣而沼之方春時余至其地往

來熟視召諸父老而問之僉曰坡邊於河河名潁水巨津也往時水行故道弗為災頻歲中州大水

而河為泛濫衝突四出此地遂為長流渠焉於是疏故道築新堤自田家以下秋湖以上凡十有六

里仍於其傍割為水神廟一區異時泛漲不為患惟神力是憑是依焉自二月八日興工至四月望

日告成凡三十餘日是歲河水泛濫者至再至三
果無患而沿河西岸新墾稻田無慮數十頃則環
坡之田復變而為膏
腴害除而利興矣

石梁河

志勝在州西北七里自禹州流入又
東南入臨潁縣界亦合於潁水

濁澤

在州西水經注皇陂水出胡城西北胡城潁
陰之狐人亭也亦曰胡宗鄉皇陂古長社之

濁澤史記齊世家齊田和會諸侯於濁澤求為諸
侯又齊威王敗魏於濁澤韓世家宣惠王十六年
秦敗我修魚獲將鯁申差於濁澤晉書八王傳趙
王倫篡位王盛等聚眾於濁澤討倫為倫將管襲

所敗

秋湖

一名東湖通志在州東二十五里州志湖本
二合為一潁水經其中多菱芡魚蝦之利元

時設官
辨課

西湖

州志在州西北七里河周九里今涸民田其
中畫墁錄許下西湖一州之冠始沮洳未廣

自宋公序開拓遂瀰漫菰蒲魚稻采取不貲於是
以詩落成水心有觀音堂昔乃四門亭子常有
大蛇居之民不敢近其後改置此像蛇不復出像乃
慈光獻法容云石林詩話許昌西湖與子城密相
緣附而下可策杖往來不涉城市云是曲環作鎮
時取土築城因以其地蕩潁水瀦之畧廣百餘畝
中為橫堤初但有東之半耳其西廣於東增倍
而水不甚深宋莒公為守時因起黃河春水大使
後治之始與西相通則詩所謂鑿開魚鳥忘情地
展盡江湖極目天者也其後韓持國作大亭水中
取其語名之曰展江然湖水面雖濶西邊終易湮
塞數十年來公廚規利者遂涸以為田歲入總得

三百斛以佐釀酒而水無幾矣余為守時復以還
舊稍益開漂渺然真有江湖之趣苕公詩更有一
篇中云向曉舊灘都浸月過寒新水便生烟尤風
流有味而世不傳往往但記前聯也老學菴筆記
陶淵明遊斜川詩自序辛丑歲年五十蘇叔黨宣
和辛丑亦年五十蓋與淵明同甲子也是歲得園
於許昌西湖上故名之曰小斜川云宋梅聖俞遊
許昌西湖詩新秋萬柳齊鶯渡水東西城上明殘
照雲間挂斷霓烟蒲勻若剪沙岸淨無泥只恐未
藤密如過罨畫溪又蘇軾詩西湖小雨晴艷艷春
渠長來從古城角夜半傳新響使君欲春遊浚治
役千掌紛紜具畚鍤開若蟻運壤天桃弄春色生
意寒猶快惟有落殘梅標格若矜爽遊人出已集
挈榼三且兩醉客卧道傍扶起尚偃仰池臺信弘
麗貴與民同賞但恐城市歡不知田野愴潁川比
不登野氣長蒼莽誰知萬里客湖上獨長想又明

黃璿和蘇子瞻韻夜雨注河山曉覺西湖長翩翻
蓮葉歌潑刺魚藻響風定綠波平瑩徹若舒掌激
灑燭鬚眉清容湛穹壤鷗鷺心悠悠賓從情怏怏
開襟納涼颺心目俱蕭爽羽盞浮沍沍歌妓行西
兩時清民物康俯樂無愧仰偶此公家閑起拉朋
簪賞記得往年荒饑饉民悽愴亦有綠林兒乘函
出草莽安居不忘
危於馬駐遐想

椹澗通志在州西南三十里相傳漢孝子
蔡順採椹養母之地澗旁有順孝保

黑龍潭州志在州南十五里即
石梁河匯流處水最深

九曲池州志在州西南其水九曲環轉中關地畝
餘雜蒔花竹桃柳每春秋時極燉爛名人

文士常遊
憇其處

靈井

通志在州西三十里水色黑而氣溫潦不溢

要紀許昌靈井亦曰靈泉今

石砌方正水旱民必禱焉

七星井

潛確類書俗傳汲一井則餘井水皆動

關梁許州馬驛

州志在州治南明成化十二年

石固鎮

州志在州西北五十里西通密縣

伍節舖

州志在州東三十五里

草店舖

州志在州東南二十里

大莊舖

州志在州西南十八里又十里有榷澗舖

半陂舖

州志在州西十七里又五里有靈井舖

蔣馬舖

州志在州北二十里又東北十

五女鎮

州志在州東三十五里又

榆林鎮

州志在州西南三十里州西四十五里有

有水滄鎮州北三十

大石橋

州志在州東南三十里與臨潁縣接界又

王家橋

州志在州西北五里又南五里有碾子橋

跨石梁

河上

堪澗橋

州志在州西北三十里相傳赤眉降漢洗眉

州北一里有八龍橋路出涓川俱跨澗水河上

吳永裕重修澗水石橋記許城東北三里許曰澗

水橋舊有石橋二坐北橋高大堅緻水就安流東

橋則早隘每遇夏秋霖潦即壅閉四溢郡侯范公

捐俸鳩工刻期修之于是歲某月某日訖工于某

月某日橋高三丈長五丈廣八尺為大洞一以通

水為石欄于兩傍以障由者渡增岸于南北防衝

突遠近望之若駕長虹然郡人僉謂侯之德政不

可忘而建橋之歲月亦不可泯求予記之

石固橋 府志在州西北五十里明邵室石固橋石

梁記畧許州西北有鎮曰石固聚居貿易

既繁且豐不啻一大縣然西通密縣諸山山出泉

流為河經其地而東春夏之交水勢衝漫不可渡

秋冬亦病涉焉乃召匠氏伐石于山採木于林鑄

鐵于冶度為梁一高若干長若干濶若干凡費白

金千兩日役若干夫積若干日為夫若干經始于

成化丁酉之春訖工于弘治己酉之秋完固壯偉

若坦途焉

古蹟 頰陰廢縣 州志在州西漢志頰陰縣屬頰川郡高

君七年以頰陰併入臨頰元象二年復置武定七

年自長社移頰州及頰川郡治頰陰改曰鄭州隋

志開皇初改縣曰頰川仍為許州治

許昌故城

州志在州東北四十里俗謂之許州故

許縣屬頰川郡後漢獻帝紀建安元年遷都許魏

志文帝紀黃初二年改許縣為許昌縣明帝紀太

和六年行幸許昌治許昌宮起景福承先殿括地
志後唐為許田縣宋志熙寧四年省許田縣為鎮
入長社

潁陽廢縣在州西南本秦邑漢志潁陽縣屬潁川
郡後漢章帝紀建初八年幸潁陽章懷

太子注漢潁陽城在許州西南

潁疆故城在州西南三十里漢志潁疆屬汝南郡
隋志開皇十六年置陶城縣大業後為

潁疆縣屬潁川郡唐志屬許州貞觀初廢

洧倉城在許昌故城東即洧水之即閣也水經注
洧水過長社縣分一支東流過許昌又東

入洧倉城內俗誤以洧水為洧故亦曰洧倉東漢
建安中棗祿建議屯田募人屯許下得穀百萬斛

此其倉城也

魯城在州西南左傳隱八年鄭請以泰山之祊
許田而祀周公州志後置邑于此因曰魯城

其旁又有劉城秦封蔡澤為劉城君志勝陶城亦
在許昌東晉陶侃征杜弢于此屯軍因築城其址

尚存

藥城州志在州西南三十里有二東西相距十里
餘東城園三里俗稱藥七西城園四里俗稱

藥八未詳始築

許昌宮元和郡國志在許昌故城中魏楊修許昌
宮賦于是儀北極以構橑希形制乎太微

結雲閣之崔嵬植神木于靈草紛蔚蔚以參差爾
乃置天臺于辰角列執法于西南築舊章之兩觀

綴長廊之步欄重閨禁之窈窕造華蓋之幽深儉
則不陋奢則不盈黎民子來不督自成于是天子
乃具法服戒群僚鐘鼓隱而雷鳴警蹕嘈而響起
晦藹低徊天行地止以入乎新宮臨南軒而向春
方負黼黻之屏風馮玉儿
而按圖書想往昔之興隆
景福殿 在許昌宮內洛陽宮殿簿許昌宮景福殿
明帝將東巡恐夏熱故于許昌作殿名曰景福既
成命賦之魏何晏景福殿賦歲三月東巡狩至于
許昌望祠山川考時度方存問高年率民畊桑越
六月既望林鍾紀律大火昏正桑梓繁庶大雨時
行三事九司宏儒碩生感乎溽暑之伊鬱而慮性
命之所平惟岷越之不靜寤征行之未寧乃昌言
曰昔在蕭公暨于孫卿皆先識博覽明允篤誠莫
不以為不壯不麗不足以一民而重威靈不飭不

美不足以訓後而示厥成故當時享其功利後世
賴其英聲且許昌者乃大運之攸戾圖識之所旌
苟德義其如斯夫何宮室之勿營帝曰俞哉玄輅
既駕輕裘斯御乃命有司禮儀是具審量日力詳
度費務鳩經始之黎民輯農功之暇豫因東師之
獻捷就海孽之賄賂立景福之秘殿脩皇居之制
度爾乃豐層覆之眈眈建高基之堂堂羅疏柱之
汨越肅坻鄂之鏘鏘飛欄翼以軒翥反宇轆以高
驤流羽毛之威蕤垂環玳之琳琅參旗九旒沒風
飄揚皓皓盱盱丹彩煌煌故其華表則鎬鎬鏗鏘
赫奕章灼若日月之麗天也其奧秘則翳蔽曖昧
髣髴退縶若幽星之纒連也既櫛比而攢集又宏
璉以豐敞蕪色博落不常一象遠而望之若摘朱
霞而耀天文迫而察之若仰崇山而戴垂雲嗟瓌
瑋以壯麗紛或或難分此其大較也若乃高薨
崔嵬飛宇承霓綿蠻黠鸞隨雲融池鳥企山峙若

翔若滯峨峨喋喋因識所屆雖離朱之至精猶眩
曜而不能昭晰也爾乃開南端之豁達張荀虞之
輪函華鍾杙其高懸悍獸仡以儷陳體洪剛之猛
殺聲旬礮其若震爰有遐狄錄質輪茵坐高門之
側堂彰聖主之威神芸若充庭槐楓被宸綴以萬
年絳以恭榛或以嘉名取罷或以美材見珍結實
商秋敷華青春藹藹萋萋馥馥芬芬爾其結構則
修梁彩制下褰上竒桁梧複疊勢合形離麗如宛
虹赫如奔螭南距陽榮北極幽崖任重道遠厥庸
孔多于是列髹彤之繡楠垂琬琰之文璫煜若神
龍之登降灼若明月之流光爰有禁楬勒分翼張
承以陽馬接以員方班間賦白踈密有章飛柳鳥
踊雙轅是荷赴險凌虛獵捷相加皎皎白間離離
列錢晨光內照流景外烜烈若鈞星在漢煥若雲
梁承天駟徙增錯轉縣成郭茹葢倒植吐被芙蓉
繚以藻井編以絳疏紅葩鞞鞞丹綺離婁菡萏

翕織縟紛敷繁飾累巧不可勝書於是蘭栴積重
窈數矩設楫櫺各落以相承欒拱天矯而交結金
楹齊列玉鳥承跋青瑣銀鋪是為閨闈雙枚既修
重桴乃飾椀栢緣邊周流四極侯衛之班藩服之
職溫房承其東序涼室處其西偏開建陽則朱炎
艷啟金光則清風臻故冬不凄寒夏無炎焯鈞調
中適可以永年墉垣碣基其光昭昭周制白盛今
也惟縹落帶金缸此馬二等明珠翠羽往往而在
欽先王之允塞悅重華之無為命共工使作績明
五采之彰施圖像古昔以當箴規椒房之列是準
是儀觀虞姬之容止知治國之倭臣見姜后之解
珮寤前世之所遵賢鍾離之謹言懿楚樊之退身
嘉班妾之辭葦偉孟母之擇鄰故將廣智必先多
聞多聞多雜多雜眩真不眩焉在在乎擇人故將
立德必先近仁欲此禮之不訾是以盡乎行道之
先民朝觀夕覽何與書紳若乃階除連延蕭曼雲

征樞檻邛張鈞錯矩成楯類騰蛇摺似瓊英如螭
之蟠如虬之停玄軒交登光藻昭明騶虞承獻素
質仁形彰天瑞之休顯照遠戎之來庭陰堂承北
方軒九戶右个清宴西東其宇連以永寧安昌臨
圃遂及百子後宮攸處處之斯何窈窕淑女思齊
徽音聿求多祐其祐伊何宜爾孫子克明克哲克
聰克敏永錫難老兆民賴止於南則有承光前殿
賦政之宮納賢用能詢道求中疆理宇宙甄陶國
風雲行雨施品物咸融其西則有左城右平講肄
之場二六對陳殿翼相當僻脫承便蓋象戎兵察
解言歸譬諸政刑將以行令豈唯娛情鎮以崇臺
實曰永始復閣重闈猖狂是俟京庾之儲無物不
有不虞之戒於是焉取爾乃建凌雲之層盤浚虞
淵之靈沼清露瀼瀼淥水浩浩樹以嘉木植以芳
草悠悠玄魚睭睭白鳥沈浮翱翔樂我皇道若乃
虬龍灌注溝洫交流陸設殿館水方輕舟篁棲鷗

鷺瀨戲鯉鮒豐侔淮海富賑山立叢集委積焉可
殫籌雖咸池之壯觀夫何足以比讐於是碣以高
昌崇觀表以建城峻廬岌堯岑立崔嵬巖居飛閣
干雲浮塔乘虛遙目九野遠覽長圖頽眺三市孰
有誰無覩農人之耘耔亮稼穡之艱難惟響年之
豐寡思無逸之所歎感物衆而思深因居高而慮
危惟天德之不易懼世俗之難知觀器械之良窳
察俗化之誠偽瞻貴賤之所在悟政刑之夷陂亦
所以省風助教豈惟盤樂而崇侈靡屯坊列署三
十有二星居宿陳綺錯鱗比辛壬癸甲為之名秩
房室齊均堂庭如一出入彼欲反忘術惟工匠
之多端固萬變之不窮物無難而不知乃與造化
乎比隆讐天地以開基並列宿而作制制無細而
不協於規景作無微而或違於水泉故其增構如
積植木如林區連域絕葉比枝分離背別趣駢田
胥附縱橫踰延各有攸注公輸荒其規矩匠石不

知其所斲既窮巧於規摹何彩章之未殫爾乃文
以朱綠飾以碧丹點以銀黃爍以琅玕光明熠燿
文彩璘班清風萃而成響朝日曜而增鮮雖崑崙
之靈宮將何以乎侈旃又卞蘭賦八南瑞以北眺
望景福之差我飛棟列以山峙長途邈以委蛇見
藥櫃之交錯觀陽馬之承阿轉挾轄以相因若流
風之揚波木無小而不礪材靡隱而不華懿米色
而發越瑋巧飾之繁多雙轅承粉丹梁端直明窓
列布綺井崩疑其陰則有望舒涼室羲和溫房隆
冬御締盛夏重裳同二子之深邃致寒暑於陰陽
修欄蔭於階砌崇棟拂乎旻蒼綺組發華翡翠生
光丹草周隅靈木成行非窈窕之至貴孰能升於
斯堂坐金人於闈闈列鐘簾於廣庭天鹿軒翥以
揚怒師子鬱拂而負楨珍果敷華蘭芷垂榮百壁
照耀飛響應聲扣角則春風至彈商則秋風征歷
神之芝之峻觀幸安昌之巍巍進鼓舞之秘伎絕世

俗而入微興七盤之遞奏觀輕捷之翾翾或遲或
速乍止乍旋似飛鳧之迅疾若翔龍之游天趙女
撫琴楚媛清謳秦箏慷慨齊舞絕殊衆伎並奏揃
巧騁竒千變萬化不可勝知樂戲闋遊觀足登承
光坐華幄論稽古反流俗退虛偽進敦朴寶賢良
賤珠玉豈必世而後仁在時主之慎所欲又韋誕
賦瞻大厦之穹崇結層構而高驥修棟迥以虹指
非甍竦而鳳翔棟栴駢逼以星羅軒檻曼延而悠
長伏應龍於反宇乘流蘇以飄揚於是周覽升降
流日評觀叢楹負極飛檻承櫟桁梧綺錯棗稅鱗
攢芙蓉側植藻井懸川望舒涼室羲和渴房嚴冬
則煖炎夏則涼總寒暑於區宇制天地之陰陽又
有外城金狄詭貌殊姿列於應門肅有容威若乃
離殿別館粲如列星安昌延休清晏永寧美百號
之特居嘉休祥之令名步雕輦以逍遙時容與於
蘭庭又有教坊講肆才士布列新詩變聲曲調殊

別吟清商之激哇發角徵與白雪音感靈以動物
超世俗以獨絕然後御龍舟兮翳翠蓋吳姬擢歌
越女鼓柁詠採菱之清謳奏淶水之繁會西溪叢
語許昌節度使小廳是魏景福殿基殿前有小李
子色黃大如櫻桃俗謂之御

李子即獻帝遷許時所植

承光殿 在許昌宮洛陽宮殿簿許昌宮承光殿七
間魏何晏景福殿賦於南則有承光前殿

賦政之宮

高昌觀 建城觀 俱在許昌宮何晏景福殿賦於
是碣以高昌崇觀表以建城峻

盧薛綜東京賦注高昌建城二觀名也

韋仲將景福殿賦北看高昌邪視建城

永始臺 在許昌宮魏何晏景福殿賦鎮以崇臺實
曰永始複閣重闈猖狂是俟京庾之儲無

物不有不虞之戒于是馬取文選注永始臺名倉
廩所居也韋仲將景福殿賦時襄羊以流覽步華

輦于永始始知稼穡之艱難壯農夫之克敏魏畧

文帝東征留郭后于永始臺霖雨百餘日城樓多

壞有司請移止后曰昔楚昭王出遊貞姜留漸臺

江水至使者迎而無符不去卒沒今帝在遠水有

急而便移止未

可也時論題之

灌臺 通志在州南漢潁陰侯灌嬰故宅今名思故
臺明李勗灌臺詩極日蒼烟渺層臺一望平

侯封誰是建相業尚題名驅楚離何在

興劉舟自橫誰憐烏兔意登眺倍傷情

受禪臺 州志在州西南三里
十里詳見臨潁縣

喜雨臺 州志在梅花堂
知州胡良弼修

射鹿臺

許田鎮北

飛霞樓

州志在喜兩臺東

迎旭樓

州志在喜兩臺西

德星亭

通志在州之西湖上漢荀淑故宅陳寔嘗

亭馬

宋朱熹聚星亭畫屏贊猗歎陳子神嶽鍾英

文淵範懿道廣心平危孫汙隆卷舒自我是曰庶

樂無不可獻身安眾吊笠全邦炯然方寸秋月

寒江願言懷人曰我同志故朗陵君荀季和氏連

峰對起麗澤潛滋優而不見有黯其思薄言遣之

顧無僕後獨呼二見駕予以出青芻黃犢布幘柴

車策紀前衛杖謀後趨所造伊何高陽之里維時

荀君聞至而喜顧謂汝請往應于門七龍矯矯布

席開尊清肅而前翁拜其辱何悟斯晨得見清穆

命爽行觴旅饋次陳獻酬交錯禮度情親載笑載

言罔非德義益邁乃猷以輔斯世髮髻兩維亦冥

膝前原深本固莫出非賢維此慈明特謝傳正晚

際國屯敢憚濡迹贅旒之命恃以少延邦朋之最

孰與為先或乃附曹群亦忘漢嗣守之難古今共

歎崇臺回極于以占天猶曰茲野德星萃焉我寓

有亭舊蒙斯號今刺前聞象儀以告高山景行好

德所同課忠責孝獨慨余衷百爾窺臨鏡考毋怠

死國承家永奉明戒唐薛能許州德星亭詩灑水

南流東有堤堤邊亭是武陵溪槎松配石堪僧坐

葉杏會春欲鳥啼高榭月生滄海外遠如山在夕

陽西頻來不似軍沒事不戴紗巾只杖藜又胡曾

詩古賢高尚不爭名行止由來動杳冥今日浪遊

千里客看花漫上德星亭又明黃璿詩人物沒來

重賴川德星旌行屬何年季和諸子皆融朗陳寔

雲初總俊賢太史叶占天有象陳編述善世
應傳可憐名在亭搖落感慨留題思惘然

展江亭 州志在州西湖中韓持國所作益取宋

宋庠題西湖展江亭詩縹鴨東陂已可憐更因雲

竇注西田鑿開魚鳥忘情地展盡江湖極日天向

夕舊灘都浸月過寒新樹便生烟使

君直欲稱漁叟願賜閑州不記年

聽水亭 州志在州西湖宋蘇軾

子由亭 州志在州西湖

會景亭 志勝在郡圃范公稱過庭錄韓持國秋日

右丞不赴持國以詩寄云曲肱飲水程夫子燕坐

焚香范使君顧我未能忘舊樂綠樽紅妓對西曛

石林詩話許昌崔象之侍郎舊第廳後小亭舊有

海棠二株韓持國每花開時輒載酒飲其下至花

謝始去歲以為常余常于亭柱間得公二絕其一

云濯錦江頭千萬枝當年未解惜芳菲而今得向

君家見不怕春寒兩濕衣其二云長條無風

亦自動柔艷着兩漫相宜惜其後句今不存

觀荷亭 州志在州城東壕內今廢水落時見遺址

照溝詩成花自錦酒滿興多幽鶴雜當亭

卧蓮香向水遊菱歌聲細細蘋草浴汀洲

岸亭 州志在州西北二十八里亦曰岸門今改

梅花堂 府志在州治北宋蘇軾建明黃璿許州梅

花堂詩堂上樹橫斜移栽幾歲華踈櫺闥

虬影老幹着冰花潔白應難擬清香

詎有涯退公無一事吟賞醉流霞

長嘯堂

在許州元周達觀誠齋雜記范蜀公居許

客其下有花墮酒中者飲一大白微

風過則舉坐無遺當時謂之飛英會

中和堂

州志在州堂後汪潛修明印寶中和堂銘

扁亦不存前知州華仁甫既渡舊制仍模刻文公

先生大書中和堂三字以揭之後學印寶來知州

事觀名思義深有所警者于是述古訓作銘嵌諸

壁間云銘曰萬感俱寂一真自如性之本然衡平

鑑虛無有作好無有作惡情感于外各適所度孰

其尸之是曰靈臺動靜相因體用兼該於皇上帝

降此嘉德恭惟先師示我顯則去聖逾遠正學失

傳早遜權謀高鶩清玄矧茲有政可遠伊邇操簡

御繁敢昧所始戒懼慎獨師有訓謨毫忽弗念聖

狂異途揭名堂楣志在勉強我師儼臨朝夕瞻仰

曲水園

通志在州北有修竹二十餘畝溪水貫其

買得之賈昌朝來代一日往遊題詩壁上云畫舫

載酒及芳辰丞相園林溪水濱虎節麟符拋不得

却將清境付閑人潞公聞此詩即以地券歸賈賈

亦不辭而受老學菴筆記蘓子由晚歲遊許昌賈

父元公園作詩云前朝輔相終難得父老咨嗟今

亦無蓋謂方仁祖時士大夫多議文元然自今觀

之豈易得哉

其感慨如此

高陽里

府志在州城內漢荀淑所居本名西豪里

有德

星亭

采女里

州志在州東十里

即漢荀采所居

關羽故里 州志 在州城內東南相傳曹操拜羽為

廟立

吳道子洞 州志 在州西北道子陽翟人後寓許州

供奉為內教博士今有遺洞孔聖像

關帝像皆其手筆刻石現存于廟

寺觀興國寺

通志 在州治西南府志 宋興國寺詩雙旌遠

行邁時方向炎暘汗流單葛衣薰風在林樾熊軾
不停輪擬此招提歇郊原盛禾黍居民免奔突且
茨青葦葦爽氣襲簪笏皎皎簷蔔花夜深散芳馥
空堂月影高旅思猶恍惚迢迢不成寐竟夕坐超

忽

洪濟寺 州志 在州治東舊名大洪濟寺元

至正中立又北洪濟寺在州東北

文明寺 州志 在州治東南二里有文明

塔十三層明知州鄭拾先建

演樂寺 州志 在州東

興隆寺 州志 在吳村保

塔 州志 在靈井保

雙塔寺 州志 在東營保

羅漢寺 州志 在陳曹保

東禪寺

州志在落許保

慈壽寺

州志在許田鎮

洪山寺

州志在帳地保

西禪寺

州志在遂村保

龍泉寺

州志在椹澗保

大悲寺

州志在靈井保

風雪寺

州志在龍曲保

卧佛寺

州志在許遠保

大通寺

州志在孫村保

鐵佛寺

州志在進德保

辨行寺

在州境廣弘明集隋仁壽元年于海內諸州三十處各起舍利塔諸沙門各以精舍

奉舍利

而行許州表三月三日初夜于州北境去州九十里舍利放光紫赤二色照曜州城內外民

庶皆見

神光四月七日在州大廳舍利出金瓶之外瑠璃瓶內行道放光至八日在辨行寺塔所又

放光明

午時舍利欲入石函又有五色光彩雲來臨塔上雲形如蓋其日在塔西南一百餘步依育

王造塔

本記一枯池不在四畔正在池中可深九尺忽有甘井自現其水不可思議當時道俗看者

二萬餘人

同飲齊見所錄瑞應奉表奏聞

養真菴

在州治范公稱過庭錄孔收寧極有道之
士也視文正為友壻與忠宣持國遊持國
守許孔居郊常具車馬邀致郡治之養真菴同衾
促膝快論人間事久而渡歸一夕大雨孔告還持
國獨寢菴中有詩寄云兩滴菴上茅風亂憲前竹
繁聲互入耳欲寐不得熟緬懷田舍翁石筴滑馬
足連山暗秋燈

一路何處宿

清虛宮

州志在州治西北明洪武
三年建永樂成化年重修

真長宮

州志在州治西南元至元五年
建明洪武年廢今改城隍廟

天寶宮

州志在州西北十五里石
固鎮宋天曆年建明重修

清真觀

州志在州西北
明永樂中建

修真觀

州志在西湖明黃璿西湖修真觀詩西湖
幽處有仙壇烟白嵐清鎖一山水泛桃花

祠墓許由廟

春已去月明松杪鶴猶還辟爐每自封丹竈洗藥
應須傍碧灣為喜道人能愛客肩輿幾度到元關
在州治唐楊植許由廟碣堯之聰明由先
生成堯之至理由先生始堯不以天下讓

先生先生之道猶昏先生不以清節避唐堯唐堯
之道何尊自生人以來避讓之大未有如先生者
也若非錙銖九有亢極一夫安能以巖澤枯槁之
姿下聖文神武之德則知丹朱得堯之體而遺堯
之性先生得堯之性而遺堯之名是得之者守之
不足遺之者宰之有餘天用先生批糠帝王牢籠
六合欲先生躬戴清規首出萬言僭賊為臣之道
拜先生廟者得不戒之哉使湯之智讀先生書夏
祀不夷也使發之聖得先生夢商廟不墟也然湯
武聖人之用也先生聖人之潔也於亂則吾用於

治則吾潔二者聖人經時之大柄使湯武逢舜堯
 是必齟用而先潔矣先生逢桀紂是必舍潔而趨
 用矣則聖人變化豈有殊耶故喜為雲霞怒為雷
 雨先生神也生為春夏殺為秋冬先生功也結為
 山嶽融為川瀆先生壽也星羅月帳巖盡壑靜先
 生宅也聖人無為金石在璞先生富也功而不宰
 人文化成先生之道也休光烈儀仰道垂師先生
 文也天機自潔雖死不襲先生武也噫先生所謂
 往矣誰能宗見寥廓但箕頽之上惟餘清風噫先
 生所謂為聖人之大標天地之外揖堯謝舜疇為
 吾輩我來獨尋請禱意深再拜刻石取文於心唐
 李適句昔吾遊箕山竭來涉頽水復有許由廟迢
 迢白雲裏

衛靈公廟

州志在州城
 西靈井後

漢獻帝廟二

州志一在州古城西張潘鎮北相傳
 始建于魏後人繼修之一在繁城舊

祠曹丕弘治五年改今祠泛昭烈
 謚曰漢愍云有陵在州東三十里

黃霸祠

府志在州治東南明弘治初建明李東陽
 記無錫郡國賢知許州首考圖志謂許為

頽川故郡漢丞相黃公嘗取治地木其祠謂之無
 有也欲圖建之而州寡隙地間于州治之東南得

尼寺焉乃闢地去穢撤故宇構為堂四楹設主其
 中歲春秋仲則帥僚屬師生往舉祀事于是公之

祠歷數百年而後興國賢乃具書
 抵余曰願為賢記之以告許人

陳寔祠

府志在州治東南
 明弘治五年建

蔡孝子祠

州志在城西榭澗祀漢蔡順在祠典
 每歲四月十五日祭蓋取榭熟時也

張桓侯廟

州志在州東三十里古城上祀漢將張

封西鄉侯

七先生祠

州志在州學中祀濂溪明道伊川橫渠

邵鄭二公祠

州志在州治東祀明

白霧神祠

州志在州東二十里相傳以為先時有

明邵寶白霧神祠記

郡城東二十里許有所謂白

霧將軍廟者郡民耆老傳言于是祈蝗焉久矣成

化丙午春予來治郡夏四月有蝗大食穀苗民甚

恐予既禱于社稷而民渡以茲神為請亟往視焉

則古屋頽然衣冠木偶而已外此無可考證者竊

謂神以白霧名非實有是人也意者在昔之歲嘗

有白霧降而蝗死故民從而神之又從而祠之邪

其曰將軍云者蓋傳久失真因而加以俗號耳

乃用牲致幣禱于其廟越三日果有大霧塞境蝗

乃殄滅歲不為灾予益信霧之能殺蝗而民之敬

神之不誣也爰命其鄉之民葺其祠宇之頽圯者

凡春秋社饗必于神焉題曰白霧之神正訛俗也

作迎送神辭俾當饗而歌焉辭曰神之來兮何方

乘元氣兮御陰陽而師駿兮導風伯倏頃刻兮遍

八荒彼蠱賊兮何為食我苗兮孔傷神一奮兮殲

乃類匪刀戟兮劍鉞奉天討兮歸太虛歛元功兮無

皇神之去兮何之宵冥冥兮歸太虛歛元功兮無

言肅清穆兮天倪苗芄芄兮長茂彼蠱賊兮盡彘

我民樂兮報享耆老舞兮兒童戲

漢灌夫墓

府志在州北三里

歲穰穰兮豐盛神之祐予予永垂

鼃錯墓

在州東三里(寰宇記)在長社縣東北二里

知讜言人所難敷奏竟弗疑纔徹當宁聽已墮奸

人機哀哉東市冤千古令人悲倘非董公說孰能

明是非東門有遺塚宿草荒離

離賴有忠臣在不隨薤露晞

龍墓通志在州北五里荀爽兄弟八人世稱八

善積慶流長蘭蕙庭堦茂文章日月光八龍昭

令譽一窳倚高岡寂寂幽扃閉清風佈八方

徐庶母墓州志在州東北三

宋韓億墓通志在州西三十里州志億墓許其子

俱墓州志北三十里與億墓相望名八鳳塚

明萬曆初知州范錫為修墓表碑以記

麻九疇墓

州志在縣東九疇世稱徵君

五女塚

州志在州東四十里五女者齊梁時人也

塚乃其父母也當日南梁北齊許東多屬戰場有

群寇聞五女色欲強掠之其父兄赴鬪被殺寇攻

其宅及入室五女盡自經土人感其節為之崇丘

立祠又按水經注洧水又東逕五女塚相傳漢獻

帝后伏氏與姊妹四人為操所害卒葬于此明黃

璿五女塚詩城隈有群塚屹立羅崇丘傳云齊梁

時倉卒多戈矛一室鞠五女清淑含顰羞父兄賈

勇死家業仍漂流時間度不存免汚思貞修香魂

同日逝精光凌高秋鈿花既委地狼籍誰復收嗟

哉鄉曲人積此土數坏忠貞世共惜千載聲光留

白馬塚

州志在州東二十里相傳前代有人于塚

傍夜聞鐘鼓之音或見白馬出沒因名

欽定方輿路程考畧

明仍舊今因之	仍屬許州五代至	仍屬潁川郡唐屬許州建中二年屬潁州貞元初	川郡王莽改曰監潁後漢復舊晉及後魏因之隋	至本州界三十五里至州治六十里本漢縣屬潁	縣界四十五里東北至鄆陵縣界四十五里西北	東南至鄆城縣界三十五里西南至南陽府舞陽	五里少東至縣治六十里北至本州界三十五里	界四十五里至縣治九十里南至鄆城縣界二十	界三十五里北至縣治一百三十里西至襄城縣	臨潁縣	在州東南六十里府西南二百八十里東	西距八十里南北距六十里東至西華縣
--------	---------	---------------------	---------------------	---------------------	---------------------	---------------------	---------------------	---------------------	---------------------	-----	------------------	------------------

山川研岡

縣志在縣東南三十里其勢蜿蜒若蒼龍起

天明岡

縣志在縣西南四十里其北有葛岡又

龍脾岡

志勝俗名臨穎皋元和郡國志臨穎皋東

南三百里有龍脾其地沃壤可居

拒陵岡

郡志在縣西四十里

渚河

縣志在縣西十五里即穎水也自許州西南

瑪瑙河

志勝在縣西四十里通志源出襄城朱湖

名泥河

潭東流經縣境又東會郟城縣乾勒河俗

五里河縣志在縣北五里穎水支流也穎從西北
勢卑下水注如建瓴故昔
人堅塞以防衝決之害

石梁河縣志在縣北三十里自許州流入境經縣
石塘河漕運許州
之粟達于汴京

艾城河縣志在縣北三十里石梁河之北曹魏屯
至此水宜稍比歲霖雨
泛濫四出嘗被淹沒

新河縣志在艾城河南自許州秋湖入縣境至袁
十里然下流無所洩為害更劇萬曆末知縣張福
臻續開新河四十餘里橫入艾城河達石梁河

棗祇河志勝在縣北二十里穎河之支流也曹魏
斛後人因時東祇募民許下引流灌溉得穀數百萬
以名河

飲馬溝縣志在縣南十里元季起兵嘗以飲馬故
名俗又名大溝自棗祇河至此皆穎水支

穎水衝決所成也
灌溝志勝在縣西二十五里北接穎水南接泥河
南北二口俱有陡門亦曹魏屯時引水溉田

三角池縣志在南
王上保

關梁臨穎驛縣志在城南明成化十二年以初封崇王
于汝寧增置馬驛明年徙建于縣治之西

尋

潘將軍寨

縣志在縣南十里穎水環抱獨一線

南張鋪

縣志在縣南十五里又十里

固廂鋪

縣志在縣北十里又駝灣鋪在縣北二

小商橋

縣志在縣南二十五里有小商橋鎮下臨

大石橋

縣志在縣北三十

五吉橋

縣志在縣東北為石梁

五里河橋

縣志在縣北五里萬曆天啟間皆于鍋

水患

大溝橋

縣志在城北十二

陽塢橋

縣志在河上流

杜曲橋

縣志在城西十

沙溝橋

縣志在縣東北

古蹟臨穎故城

志勝在縣西北十五里遺跡猶存史記

志隋大業四年移縣理臨穎皋東南長

繁昌故城

在縣西北三十里舊名繁陽亭魏志文

蠡稗位乃為壇于繁陽改亭即作以潁陰之繁陽
亭為繁昌縣晉志縣屬襄城郡隋志縣屬許州唐
志貞觀初省入臨潁述征記繁昌在許南七十里
有臺高七大方五十步南有臺高二大方三十步
即魏受終壇今有繁城集為市易處

大陵城

縣志在縣北十里春秋鄭厲公自櫟侵鄭
及大陵獲傅瑕水經注大陵即巨陵在臨

潁其地屬鄭寰宇記陳蕃為亭長所辱處

志勝

縣東南三十里有黃連城曹魏築

秦龍城

通志在縣北十五里水經注潁水東過秦
龍城即古秦龍氏之邑志勝城西有拒陵

岡又西南有鯛陽城以在鯛
水之陽故名城外有龍泉寺

商城

志勝在縣東北舊傳
商高宗巡狩時築

紂城

縣志在縣西南相傳紂所築旁有精霧城者
花臺蓮花池遺址蓮花池形似曲尺俗名曲

尺河菱藕生焉又一在南
王上保其形似蓮花故名

博望城

後魏地形志潁陰有東西二武城博望城
今無考又縣東北三十五里有窩城亦未

詳

尚書臺

志勝在縣東南四十里漢馬融遷許令嘗
讀書其上因名水環四周中為高臺魏志

有黃鳥銜書于尚書臺即文帝受禪處唐書地理
志臨潁有講武臺本尚書臺馬融講書之地顯慶

二年高宗大閱于此更名閱臺明杜進尚書臺詩

風吹臺下荷霧掃臺邊樹天際數峯青野人自來
去

白臺

在繁昌城水經注繁昌城內有三臺白臺其一也

受禪臺

在縣西北三十里繁昌城內即讓王臺水經注時人謂之繁昌臺壇前有二碑昔魏

文帝禪于此遂于繁昌築霸臺也于後其碑六字生金論者以為司馬金行故曹氏六世遷魏而事晉也又注洧水南逕讓王臺獻帝既禪位封山陽公百官送于此臺謂之讓王臺志勝壇前二碑一

是百官勸進碑一受禪碑並鐘繇書

抱孃臺

縣志在曲保相傳穎水決有子負母避此

老仙臺

縣志在王曲保

望鄉臺

縣志在縣四十里相傳為曹丕虛葬之所

摘星樓

縣志在縣西南相傳商紂所築遺址尚存明閔鐸摘星樓詩長夜厭厭酒半醒牝鷄

司曉孽龍聽登天無計旬投火空有危樓喚摘星

城皋亭

縣志在縣西北三十里舊繁昌縣界左傳定公四年盟于皋鼬杜預注皋鼬在繁昌

縣東南即今城皋亭

狐人亭

後漢書即國志穎陰有狐宗鄉古狐人亭在焉又名狐城水經注皇陂水出狐城西

北狐城即穎陰狐人亭皇陂濁澤也

寺觀萬壽寺

縣志在縣治西北元初建後燬于兵明初重建明季燬于兵今重修

小香山寺

縣志在縣西張潘保明洪武中建

商城寺

縣志在南王上保其地

龍泉寺

四面皆水如辟雍狀
志勝在嗣陽城內相傳昔時掘地得鱗四
足似龍因建寺鎮之四周皆水南面一橋

由此渡

開元寺

縣志在巨陵北唐開元
中建元末燬後重建

興國寺

縣志在黃岡保宋太平興國中
建後燬明洪武成化中重修

海螺寺

縣志在張潘保西

龍堂寺

縣志在申安保

福壽寺

縣志在公曲保

興龍寺

縣志在瓦店

吉祥寺

縣志在杜曲保

王岡寺

縣志在北三十里
東

法王寺

縣志在陽塢保北

永慶寺

縣志在園龍保

雲漢寺

縣志在南呂保

萬善寺

縣志在張潘保東

白坡寺

縣志在張潘保東

白寺縣志在

梁岡寺縣志在塔北

香嶺寺縣志在保

便興寺縣志在保

羅漢寺縣志在繁城鎮

普聖寺縣志在縣東北三十里明洪武中建

洪教院縣志在西張潘保金皇統中重建

古塢院縣志在南王上保宋紹聖中重建有碑政和

相繼修

古祥院縣志在王曲店金大定中賜額明永樂中重修

祠墓商高宗廟通志在縣東南三十里

漢馬季長廟通志在縣東十里祀漢馬融嘗流寓讀書于此

宋楊統制廟通志在小商橋祀宋岳武穆部將楊再興高宗紹興十一年與金戰于小

商橋死之有墓在橋東

唐賈崇俊墓府志在縣西十里崇俊河東郡開國公漢賈復後

元盧天祥墓府志在縣北

賈景山墓

府志在縣東南

清泥塚

志勝在縣東北清溝塚桓塚俱在西北

欽定方輿路程考畧

襄城縣

在府西南三百十里州西南九十里東西距七十五里南北距七十里東至臨潁縣

界五十里至縣治九十里西至汝州邾縣界二十

五里少北至縣治六十里南至南陽府葉縣三十

里少西至縣治六十里北至禹州界四十里東南

至郟城縣界六十里至縣治一百十里又南至南

陽府舞陽縣界三十里至縣治一百三十里西南

至汝州寶封縣界十八里東北至本州界五十里

至州治九十里西北至禹州九十里本春秋鄭汜

地漢置襄城縣屬潁川郡莽改曰相成後漢復舊

晉泰始二年置襄城郡後魏永安中以襄城郡屬

廣州武定中徙廣州治襄城北周又改為汝州隋

初郡廢大業初州廢唐初復置汝州貞觀初州廢

以縣屬許州開元四年改屬仙州尋復舊天寶七

年又改屬臨汝郡。乾元初仍屬汝州。宋因之。金屬許州。明仍舊。今因之。

山川首山

通志在縣南五里。縣志橫亘九里為縣治之

縣西南七里。首山上。史記封禪書申公曰天下名

山八五在中國華山首山太室山泰山東萊此五

山黃帝之所常遊與神會又曰黃帝采首山銅鑄

鼎於荆山下。水經注昔黃帝遇牧童於其野故稽

叔夜贊曰奇矣難測。襄城小童俸遊六合來。懋茲

邦也。志勝野即在首山之麓。明賈永首山詩路出

名邦。渺樹烟首山橫帶馬蹄前身經七聖皆迷地

望入諸峯衆妙天。靜裏高寒真可愛。故人凋謝不

堪憐。等閒又負登臨興。笑指雲山一粲然。縣志金

花樹在首山之巔。俗呼為澁樹。實關一縣之旺氣。

令武山。志勝在縣西南五里。

與首山岡隴相接。

靈泉山。通志在縣西南十五里。又名龜山。有二井。遇旱禱雨輒應。縣志朱子書容膝二字道。

勁古拙舊在香店舖本
朝順治七年移置靈泉山

高陽山通志在縣西南十五里姜店北縣志山麓多泉足資灌溉明沈周高陽夕照詩山影

依微接素秋高陽住處夕陽留一峯紫翠開斜照滿眼桑榆托晚收鴉背亂翻林杪外羊群初下麓

西頭老成正切朝廷用白髮農卿此景優

仙翁山通志在縣西南十八里縣志迥出群峯可眺宛葉方城諸山志勝山乃葛仙翁成道

之所有丹井
仙觀諸蹟

紫雲山志勝在縣西二十五里以其上常有紫雲也上有廟塔俗呼半截塔為襄却二縣之

界縣志山地高寒積雪晚消明馬文昇紫雲山詩
翠嶽孤峯上挿空宛然削出玉芙蓉四時雲氣春

偏盛釀作甘霖濟歲豐

書院山縣志在縣西二十里東接仙翁西接紫雲

嶂如納陞然南北西山左右環拱一泉從中湧出旋繞東北由靈泉西麓入汝其却教諸山對列如

屏襄山中第一勝境也明邑人李敏建書院於上成化十五年賜額紫雲書院因易今名

駱駝嶺山縣志在縣西二十里當書院山隘處又野狐山在縣西十七里自靈泉山支派

東遶高陽山團團秀起者八九勢如貫珠

百寧岡縣志在縣東四十里西岡相連橫亘數里與隔河班城對峙明嘉靖中官兵破賊師

尚詔於此土宜木綿居人賴之又驀嶺岡在縣東三十六里

伯達岡 縣志在縣北三十里下有八塚相傳周八士伯達兄弟之墓也

班成岡 縣志在縣東南二十里岡上土下石

白草原 縣志在縣東二十五里唐書元和十二年裴度宣慰淮西軍行過白草原淮西以輕

騎要度鎮將曹華擊却之即此

蓮花洞 縣志在令武山東蓮花澗內相傳洞甚深廣皆有門壁與汝相通今墮填壅謾不可

尋矣

念公洞 縣志在首山西巔寺高頂處相傳後唐清泰中念師棲真之地中塑念公像其徒建

佛菴於前奉事之因名

仙人洞 縣志在紫雲山下內有骸骨依然在座手一膝面仰東向若有所覩土人不敢毀今

失其踪

歸雲洞 縣志在令武山西芙蓉澗傍有洞東向南轉西折深不可測或傳為古人避兵之處

明邑人張憲副題之曰歸雲洞

江家洞 縣志在首山南麓西岳廟下

汝水 在城南自汝州邦縣流入又東入郟城縣界縣志汝入本縣始大薄城而行屢被齧城

南門下橫以石橋凡東南南舟楫抵橋而止水自城東南收沙澧湛阪北帶潁渚諸水經潁州正陽入

淮雖能輓運江淮財貨然上源近山水猛一被淫潦則決堤崩岸今水南有河堰壘石為岸長五里

勢甚險峻汲者若梯而達又東達郾城縣境而入汝寧府上蔡縣界水經注汝水又東南逕襄城縣故城南王隱晉書地道記曰楚靈王築劉向說苑曰襄城君始封之日服翠衣帶玉佩徒倚於流水之上即是水也楚大夫

莊辛所說處後乃因之

穎水一名渚河在縣東北自禹州流入境經縣北

入許州界又東南入臨穎縣界縣志渚河在

縣東北四十里即穎橋河也淤

沙水淺曰渚蓋隨地異名耳

澮水縣志在縣東北三十五里由草寺北過

化行南轉東北入於渚今有澮水保

房村河在縣南縣志流為河汜

又南為高橋入於汝

汜水縣志在縣北七里雨多則泛濫故曰汜今有

北七里河由北折而南至城東七里入於汝

為東七里河一汜水也又縣北二十里有庾河今

有庾河保又澮河在縣北二十里之閭寨迤東水

漫淺而不涸居民頗種稻

下過靈樹東南接乾勒河

瑪瑙河

志勝在縣東北流經朱湖潭入乾勒河

乾勒河

一名土盧河在縣東南志勝在縣北二十

為東方害

當急挑濬

姜店河

在縣西南縣志仙翁高陽諸山俱多甘泉

散流於馬房營入湛河蓋有泉水而無河

形此姜店迤東可

以開渠灌田者

風河

志勝在縣北十里即伯達河也河堰在汝河

之南疊石為岸長五里勢甚險峻汲者若梯

勢甚險峻汲者若梯而達又東達郾城縣境而入汝寧府上蔡縣界水經注汝水又東南逕襄城縣故城南王隱晉書地道記曰楚靈王築劉向說苑曰襄城君始封之日服翠衣帶玉佩徒倚於流水之上即是水也楚大夫莊辛所說處後乃因之

潁水一名渚河在縣東北自禹州流入境經縣北入許州界又東南入臨潁縣界縣志渚河在

縣東北四十里即潁橋河也淤沙水淺曰渚蓋隨地異名耳

澮水縣志在縣東北三十五里由草寺北過化行南轉東北入於渚今有澮水保

房村河在縣南縣志流為河又南為高橋入於汝

汜水縣志在縣北七里雨多則泛濫故曰汜今有北七里河由北折而南至城東七里入於汝

為東七里河一汜水也又縣北二十里有庾河今有庾河保又澮河在縣北二十里之閭寨迤東水漫淺而不涸居民頗種稻

下過靈樹東南接乾勒河

瑪瑙河志勝在縣東北流經朱湖潭入乾勒河

乾勒河一名土盧河在縣東南志勝在縣北二十里縣志在不羨城下東接朱湖潭此河最為東方害

當急挑濬

姜店河在縣西南縣志仙翁高陽諸山俱多甘泉散流於馬房營入湛河蓋有泉水而無河

形此姜店迤東可以開渠灌田者

風河志勝在縣北十里即伯達河也河堰在汝河之南疊石為岸長五里勢甚險峻汲者若梯

北渠緣有馬濫柳溝二渠久淤漫不可沿乃摹想其勢而疏之又鑿小渠二以納支流俾并歸而東入於臨潁之渚水摠計堤長萬一千三百四十八丈衡澗丈之三尺深較衡三之一擬南渠工倍差焉明劉論譚公南渠記畧南渠自方家庄至郟城王家庄入渚凡十九里又於來家庄後新開二渠渠各六里導集水以達於摠渠而河梁之繕仍舊者五緝散者四創建者三總計費共二百七十餘金

聶家陂

縣志在首山西南約五十頃

岳家陂

縣志在草寺西北屬澮水保約六十餘頃

黑龍池

縣志在靈泉山頂水甘美異常又有白龍池

蛟龍池

縣志在縣北七十里志勝魏明帝時龍見於摩陂井帝幸觀焉仍改摩陂井為龍池

井即

蓮花澗

縣志內有蓮花洞山谷相拱狀如蓮花故明叅藩邑人姚如臯修

芙蓉澗

縣志內有歸雲洞原係四道溝以澗旁倚山處多芙蓉改今名明耿廷柏芙蓉澗詩

古澗岩頭處處峯仙人遍挿玉芙蓉蒼茫山色迴殘照菡萏花陰帶露濃老洞雲迷藏虎豹陰崖雨

過吼蛟龍幾時命駕襄城野試問當年七聖踪

赤澗

縣志在縣北二十里故大岡也唐時鑿岡為澗水皆赤色因名

櫻桃澗

縣志即袁家溝在高陽山東北初岳陽令袁汝楫卜築別墅每春月櫻桃盛結時盈

峪爛熳且泉響有聲亦一佳地

關梁襄城驛縣志在縣治西明初置今裁又有襄城通運所在縣治北亦明初置今廢

蔣祠舖縣志在縣東北十里為靈樹舖又十里為延寧舖又十里為賴橋舖路接許州

望山舖縣志在縣西南十里又十里為辛店舖南出葉縣

草店舖縣志在縣西二十里路出邾縣

龍池舖縣志在縣西北十五里又十五里為王洛子舖又十里為閭寨舖路出禹州

惠政橋縣志即南門外大石橋三十六空跨汝河上有官僱渡夫二名

賴橋縣志在縣北四十里接州界亦有渡夫二名唐書德宗紀哥舒曜及李希烈戰於賴橋敗

之

高橋縣志在縣北八里有渡

磚橋縣志在縣東四十里

慈溝渡縣志在縣東北二十五里

橫梁渡縣志在縣東南三十里五里賴河渡處也

留河渡縣志在縣南

魯渡縣志在縣西近邾縣界

古蹟汜城縣志在今縣南一里即周襄王所居之地故曰襄城春秋鄭汜地謂之南汜左傳僖公二

十四年王出適鄭處於汜成公七年楚子重伐鄭師於汜襄公二十六年楚伐鄭涉於汜而歸杜預

注於汜城下涉汝水南歸也昭公五年楚子使令尹子蕩如晉逆女過鄭鄭伯勞諸汜史記晉世家晉成公十五年伐鄭取汜元和志楚靈王所築漢志襄陽縣屬潁川郡晉志襄城郡治此襄城古城志勝在今縣西墉外遺蹟連亘達於城隅其南又有一城名小古城規制甚狹

而堅

汾丘城

在縣東北左傳襄十八年楚伐鄭治兵於汾丘戰國策楚北有汾陘之塞史記秦紀

秦昭王四十二年攻韓汾陘拔之縣志此與新鄭陘山俱為南北隘道楚嘗於此為塞以禦北方

西不羨城

在縣東南楚別都也左傳昭十一年楚大城陳蔡不羨杜預注襄城有西不羨

城縣志今地呼為堯城下臨土魯河門垣舊址猶存城後為羨亭東觀漢記車騎馬防八參醫藥勤

勞省闡增封侯國襄城羨亭一千二百五十戶志勝縣東北有襄亭漢光武徇襄城傳俊以亭長出迎拜為校尉即此處

論城志勝在縣東北魏武行營也中有論事臺

鄭莊公城志勝在縣北四十五里春秋楚伐鄭莊公出師境上與楚相拒有城存

班城縣志在縣東南舊傳漢定遠侯班超曾率師過此即其行營處

沂城縣志在縣東南近霍堰城勢宛然且濠隍多水

襄城宮縣志唐太宗時閔立德建離宮控汝水上役凡數百萬宮成煩燠不可居廢之今不

詳其處

望嵩樓

縣志在縣治城中明一統志唐劉禹錫建

別離行雲別鶴本無期望嵩樓

上忽相見看過花開花落時

紫雲書院

在紫雲山下明成化中邑人李敏建中有菖蒲澗觀瀾橋此君亭南屏東峯磐

石塢靈芝坳墨香泉吉祥洞期仙嶺夕照軒秋陽

洞稻陂讀易洞小石淙郁李崗棠梨谷松籟坡杏

花岑呼鷹場紅葉徑避雨崖果園龍湫諸勝明李

敏紫雲書院記畧襄城西南二十里有紫雲山是

山也蜿蜒而南曲折而東復迴顧而西北眾山群

嶺如趨如附如拱如揖中有泉水湧出折流而西

則又繚焉而縈泓焉而蓄襄之形勝莫此為最書

院適建於其間因山取號遂以紫雲名始建小屋

三楹覆以草茆僅蔽風雨周築土垣聊作藩籬間

嘗與一二學徒觀書其間余舊寅侍御白公行中

同年憲副王公齊巡歷郡縣嘗枉顧余見其隘陋

遂命有司改作於是易土垣為石壁撤草茅為磚

瓦而又翼以兩廊未幾遂成功成有記理固宜然

敏輒不自揣敢以山水之佳創建之由供具之備

誌之貞珉焉明劉健勅賜紫雲書院記畧襄城縣

西南二十里有山曰紫雲山之脉發自秦川亘數

千里至是一峯秀出若紫雲然故名縣人今大司

徒李公公勉有田其側乃於山下闢地建屋三楹

周之土垣悉輦仕宦四方所得經書貯其中鄉之

子弟有志於學者競從之遊自是為屋漸多規制

漸大四方士大夫行經襄城者輒迂道往來鄉人

因有書院之目然猶未有名號也已亥冬公入為

兵部侍郎列狀以聞詔賜名紫雲書院於是河南

藩臬諸公暨郡縣守令重其事稍董工役遂易以

崇垣建大成殿東西廡於前祀宣聖及從事諸賢

明倫堂左右齋於後居師生悉如近時學校之制

堂之後有阜高起又即址建尊經閣藏所輦之經書書院之名於是乎始著焉公既入正司徒之位每道其事於余且求為記

寺觀乾明寺

通志在縣南三里首山始於後唐清泰元年創今為襄城勝觀明范惟一乾明寺詩雲峯上接鬱藍天蕭寺迢遙駕紫烟尚憶采銅來帝輦還憐飛錫自唐年香雲拂座三花擁寶月臨杯一鏡懸偶憇公車聊眺覽非關耽慕竹林禪又楊嗣昌詩樹底尋蹊轉峯前導鳥來怪雲攔寺壁疎籟響經臺淨侶論宗入山僊避客回吾生塵擾擾到得變寒灰又邵寶詩峯有烟霞澗有泉此中佳景是天然山窮西北翻稱首寺背東南却號乾三里到城如隔世八年為郡幾參禪題詩不盡登臨興分付緇流莫浪傳

王夢寺

府志在庚河宋時建

圓明寺

府志在縣治北元大德二年建

青塚寺

府志在縣西北房村元時建

南堂寺

府志在葛塊保有古塔一座

興國寺

縣志在橫梁渡又房村亦有興國寺

廣福寺

縣志在穎橋

藥師寺

縣志在魯渡

洪教寺

縣志在慈溝元延祐三年建

安赫寺

縣志在論城

白塔寺

縣志在北候保

龍泉寺

縣志在留渡

永慶寺

縣志在王洛子

清涼寺

縣志在閭寨

洪福寺

縣志在靈樹

駱駝寺

縣志在潁橋

普照寺

縣志在范湖

石佛寺

縣志在西南二里

堯率寺

縣志在夢陵

興福院

縣志在灣里即草寺

仙翁觀

府志在縣西南觀內有葛洪井相傳葛洪煉丹處明王濬仙翁觀詩具茨山下客行

稀一片

人家住夕暉蔓草荒臺憑指點葛洪丹井

是耶非

又譚性教詩駟車問俗到曠斜仙院深沉

覆落花

滿谷綠陰晴帶雨控門丹井夜生霞雲連

海岱思

千里烟冷村原泊萬家我亦慚為勾漏令

救荒無

計轉靈砂明呂邦耀詩煉得丹成

後山川

揔是空至今人不悟井上覓仙翁

祠墓

潁考叔祠格君心之非一善而藹萬世之譽非忠

祠墓

潁考叔祠格君心之非一善而藹萬世之譽非忠

祠墓

潁考叔祠格君心之非一善而藹萬世之譽非忠

祠墓

潁考叔祠格君心之非一善而藹萬世之譽非忠

祠墓

潁考叔祠格君心之非一善而藹萬世之譽非忠

祠墓

潁考叔祠格君心之非一善而藹萬世之譽非忠

祠墓

潁考叔祠格君心之非一善而藹萬世之譽非忠

孝之志迥出辭表豈能使聽之者感激追悼喜愧
交集者哉寥寥宇宙間能以純孝錫類其頤考叔
之謂乎公鄭人也按春秋左氏傳事莊公為頤谷
封人初莊公有弟曰共叔段多才好勇而貪覬無
厭母姜氏愛之與之謀將啟而襲鄭莊公命子封
帥車乘克之遂遷姜氏於城頤誓以黃泉為期考
叔因賜食之暇曰小人無母未嘗君之羨請遺之
莊公寤子毋如初於戲賢矣哉公以推已及人之
誠而親其親忍使其君遺其親而弗親也莊公始
根於私憾悔心既萌破其疑疏其室晰然而良性
復雖然人之虛靈豈終晦耶與夫許而為直顛而
為忠不遜而為勇構怨鈎禍其於繩愆匡惡果何
益哉故智者待其機而後動君子伺其間而後言
以善誘之反諸正而已上下之情雍熙洞洽功簡
而效速偉乎哉對揚休也竊思道義之士於笑談
頃足以致君民者古不為不多而考叔裔獨昌嗣

獨永又從而祠之扶持天倫之功為重而報之者
亦豐且厚耶士人名頤水之梁曰頤橋據橋三百
步有竒巨塚巍然實公墓所也傍有祠址宛存至
大庚戌曹南趙君汝翼雅德君子也由太常大樂
署令出尹襄城以化民為首曰前賢餘芳煥耀經
史讀者莫不興起况歷遺墟仰嚴祀於徘徊嘆美
間其勸激又將何如耶遂因其故基建祠設像俾
往來之人為臣者思慕其忠為子者景慕其孝既
知行道揚民之端又表匡主事上之要其於禪治
道厚民彛茲祠其張本與時至道三年九月也宋
邢居實南征賦望周襄之蕪城兮弔封人之圯墳
魂飛揚而不返兮墓蕪穢而不治曾不得其死所
兮豈純孝之可恃

莊王廟縣志在頤橋一曰鄭莊

徐君墓府志在縣北一十七里即季扎使鄭還挂劍之處墓傍有靈樹以季扎挂劍故名

卓君廟縣志在縣南十五里祀漢褒德侯卓茂

三賢祀縣志在縣北潁橋祀潁考叔李膺范純仁

八士塚縣志在縣北三十里王洛子南伯達保

楚六王墓縣志在縣治西南十里六塚魏然相傳楚公子之所葬

令武將軍墓麓祀楚將景差

漢李膺墓通志在縣北二十里蔣祠舖東明邵寶李膺祠詩北鷄鳴後漢將顏世有英雄

力可支陳竇首徵悲種禍楊梁遠隱歎相知人無與黨生猶耻士得齊名死尚奇千古碑前數行淚

龍逢有道不逢時

唐房玄齡墓通志在房村有碑

范鎮墓府志在襄城縣北四十里鎮蜀郡公謚忠文宋蘇軾墓銘凡人之生莫累於名人顧

趨之以累為榮神人無名欲知者稀人顧憂之以希為悲熙寧以來孰擅茲器嗟嗟先生名所不置

君實在洛公在潁昌皆欲忘民民不汝忘君實既來遁歸於洛繫而維之莫之勝說為天相君為君

牧民道遠年徂卒殉以身公獨堅卧三詔不起遂解天刑竟以樂死世皆謂公貴身賤名孰知其功

聖人之清貪夫以廉懦夫以立不尸其功無喪無得君實之用出而時施而被水火寧除渴饑公雖

不用亦相其行如彼山川出雲相望公雖蜀人乃莫於汝子孫不忘尚告來者元李本魯翀范墳詩

并序宋開國公范鎮景仁謚忠文其一世盛德偉
烈光著史籍人固知之其葬在襄城汝安鄉推賢
里載東坡集中甚詳襄城故隸汝州神來訪問故
老其墳儼然故在已為田夫野老耕為禾黍之區
矣范氏當金季猶有居墳左者自經兵燹不知所
存拊事歎閔故為作詩以紀其槩幸在官君子知
其為先賢遺壠庶有以處之忠文我眉英始也跡
甚微堂堂薛簡肅旗隼西南飛其人古廉守肯持
藟醬肥用得一偉人天下大布衣引以賓王家光
映春宮闈昭陵宋仁主前星久無輝犯諱人所難
雷電每霽威雄哉煉石手妙補天巍巍丞相江南
來雲掩扶桑暉舊德陳苦諱往往阮謗譏諸賢抗
章疏弱卒攻堅圍公力幹禹鼎正氣砮黃扉荆舒
憤至骨斥語筆自揮贈之以蕙蘭何往無芳菲時
公與司馬聲諧玉琴徽解冠挂神武甘老西山薇
九寓目瞽瞍赤子將疇依兩公幸無恙起拯或庶

幾嗣君元祐初痛洗前人非長望屬司馬欲遜天
為鞭帝命起公卧門久車停駢君實了吾事此外
何所希清風溢寰海不啻嚴陵磯公既晚家許道
德人所腓襄城卜封窳汝潁皆京圻我來訪遺壠
名姓存依稀來仍散兵燹雨雪無留霏公名在天
下豈遂薤露晞誰能禁耕牧盛事乘新機吾力不
足振感歎徒獻欵

元古奉寧墓

府志在縣西南十里
兵部尚書楚國公

青塚

縣志在縣西
北二十里

欽定方輿路程考畧

鄆城縣 在州東南一百二十里府南三百二十里

水縣界 東西距九十五里南北距七十里東至商

襄城縣界 五十里南至汝寧府西平縣界三十五

里少東至縣治六十五里北至臨潁縣界三十五

里少西至縣治六十里東南至汝寧府上蔡縣界

七十里西南至南陽府舞陽縣五十里至縣治一

百里東北至西華縣六十里西北至臨潁縣界五

十里至襄城縣一百十里本戰國時魏鄆邑漢置

鄆縣屬潁川郡後漢及魏晉因之後魏移潁川郡

於此北齊改曰臨潁郡隋郡廢改縣曰鄆城開皇

十六年置道州大業初州廢仍屬潁川郡唐初復

置道州貞觀初州廢屬豫州元和十二年於縣置

澠州長慶初州廢縣仍屬許州宋金元明不改今

之因

山川名陵岡

(通志) 在縣東三十五里傍有名陵城(左傳) 僖公四年齊桓公帥諸侯伐楚盟于名陵

(縣志) 縣東三十里有白岡(唐)劉長卿句(龍驤校獵

台陵東野火初燒楚澤空(又句)白馬翩翩春草細

台陵西去

獵平原

東紫岡

(縣志) 在縣東南三十里縣西南十五里有西紫岡二岡對峙樹木森秀光映紫翠稱

為勝

境

凌河岡

(縣志) 在縣東北二十里嘗有暴水衝突左右卑地皆浸為河惟此岡巍然獨峙又城

北門外東隅有聚奎

岡西隅有應宿嶺

宋岡

(縣志) 在縣西北五十里又縣北五里有五里岡二十里有王岡

澱水縣志在縣城南即大澱水俗名沙河自襄城

之水經注汝水東南經奇雒城西北瀆水出焉亦謂

陽詩三月輶車過澱陽謾收清景入吟囊麥坡捲

雨翠千頃桃萼迎風錦萬行閭巷有聲喧讀誦流

才何補獨幸垂衣仰聖王

澧河縣志在縣南三里源出魯山縣東南流徑葉

澹河縣志在縣南二十五里源出汝州寶豐

渚河縣志一名小河即潁水異名也縣志在縣北三十

土壩河縣志在縣北二十五里即乾勒河亦名瑪

商水縣志境合朱洪溝水入大

澱河即唐征淮西時運河也

泥河縣志在縣西北五十里宋岡上洪梁度流合

傍東合

泥河

泗曲河通志在縣東南三十里蓋澧河自縣東漂

唐吳元濟以此兵之所以拒郾城之兵降將李祐

言于李愬曰蔡之精兵皆在泗曲李愬破之即其

也地

淤泥河縣志在縣南三十里亦汝水支流

鄧襄河縣志在縣東三十五里鄧襄城

運河縣志源出縣境東流三十里經

討鹵渠初六年在縣東五十里三國志魏文帝紀黃

沱溝縣志在縣東南五十五里亦汝水別流沱即

北有紅溝南有滾水溝

西有石界溝是為五溝

馬溝縣志在澧河之南

黑龍潭縣志在東北三十里即大澱

龍井縣志在縣治東一百五十步

關梁沱口鎮縣志在縣東南二十里又南七里曰馬溝

州人白阜生以城南入梁遣將據懸瓠詔密討之

陽傳裴度討淮西此擊賊乘勝至懸瓠唐書吳少

賈店縣志在縣東南十餘里唐書吳少陽傳李光

郟城驛縣志在縣治西北明成化十三年封

凌雲柵縣志在縣西北三十五里即魏文帝所築

兵復攻凌雲柵拔之韓愈平

時曲柵縣志在縣西北四十里唐書吳少陽傳李

時曲軍
士蠶蠶

高橋鎮 縣志在縣東二十五里又

五溝鎮 縣志在縣東

劉家鎮 縣志在縣西南二十五里

小商橋鎮 縣志在縣北三十五里宋楊

小村鋪 縣志在縣東南十五里又十里為

蔣趙鋪 縣志在縣北十五里又北十里為小店

三里橋 縣志在縣南

石界橋 縣志在縣南三十里石界河即城東五溝之一

也以其在西平郟城間故以界名焉每秋夏積水

淺不通車馬深不載舟舡然當南北衝故公私之

屬者捐者踵相屬焉弘治甲寅濱水之民郭珮者

梁其上迨嘉靖初梁漸頽越明年珮之子廣其基

益其洞以復之梁之南北長十

二丈有奇東西濶三丈有奇

雙龍橋 縣志在縣西南

泥河橋 縣志在縣西北五十里泥河上明徐固泥

澧咸比舟為梁與波升降以利涉者其東北流者

日商橋河乾勒河或壘石編水以通往往來故往來

人無患也又西北流者為今泥河距縣凡五十里

許上自洪梁渡來趨入乾勒其分播合同蓋不可

考見云乃今河流橫南北道凡面向陽霍入却襄
者必渡茲河東過西華長社者亦必涉此水時遇
水溢輒湍悍奔潰勢不可施舟楫遂卜吉命工今
年春橋成高若許橫若干丈其下一洞以束水勢
用可數百年創自正德辛未訖于丙子
所謂一勞而久逸暫費而永寧者也

小石橋

縣志在縣北十八里跨土壩河上

乾勒橋

縣志在縣北二十五里跨土壩河上明陶汝弼乾勒橋記

乾勒者余考之域志固經俱無乾勒字考之韻義
說文乾急擱也勒馬廐環也世傳此地岳武穆
城之捷追兀术于此停驂勒馬因以名焉象字度
時亦近之矣按此河發源于襄城朱湖潭曰泥河
經于穎曰瑪瑙河流于郟則乾勒河也時當夏秋
之交或霖雨失經而此河泛濫滄禾淤岸一望極

自然路當南北之要行人使命殆無虛日恒以阻
水為患且無篙師理楫以故人多有溺者嘉靖辛
丑歲東魯松澗姜侯至取石於山鑄鐵於冶鳩作
於工石入水中深數尺作平底高一丈三尺濶一
十丈八尺五寸長十五丈開十三空分水礮石精
朴堅緻是役也肇興於壬寅八月落成於癸卯四
月

螺灣渡

縣志在縣東五里又南一里有激江渡

古蹟郟縣故城

在縣東三十五里戰國屬魏史記楚昭陽伐魏取郟漢志郟屬潁川郡舊唐志

郟城本治激水南開元十一年因大水移治激水
北元和十二年於縣置激州兼領臨潁及陳州之
激水以高承簡為刺史開屯田列傍庸瀕激二百
里無復水患皆為腴田長慶元年州廢縣如故

司州故城

在縣西北二十五里寰宇記劉宋元嘉中改汝南為司州蓋治於此隋志開皇

十六年置道州治通志道州城在城西南五里唐武德四年始置道州貞觀元年廢

召陵城

通志在縣東三十五里左傳僖四年齊楚盟於召陵昭十四年楚子使屈罷簡東國

之兵於召陵定四年諸侯會於召陵謀楚也史記

秦惠王後十四年伐楚取召陵漢志召陵縣屬汝

南郡晉志屬潁川郡宋書武帝紀永初三年魏人

南侵司州刺史毛德祖遣長社令王法政戍召陵

其南有陘亭左傳齊伐楚次於陘即此唐胡勇召

陵城詩小白匡周入楚郊楚王雄霸亦咆哮不師

管仲為謀主爭把玄徵縮酒茅又釋懶雲詩小白

雖能伏楚雄包茅問後覺無容筭來不是夷吾力

全在天王

祭不供

鄧襄故城

通志在縣東南三十五里亦曰鄧城左傳桓二年蔡侯鄭伯會于鄧昭十三年

楚蔡公子于子皙盟于鄧戰國策楚懷王伐秦敗

于藍田韓魏聞之南襲楚至鄧史記秦本紀昭襄

十六年司馬錯取

鄧封公子惺于鄧

征羗故城

在縣東南即國志征羗縣屬汝南即水經注光武以歙征羗有功因築城以寵

之

青陵城

縣志在縣西北五十里宋岡側唐時淮西叛師所置唐書吳少陽傳賊李光顏戰即

城敗遂取青陵城斷即

歸路賊送款光顏受之

葛伯城

縣志在縣南相傳古葛伯國也

裴城通志在縣西五十里唐裴度伐蔡時所築今

裴度為裴城鎮縣志又有赫連城在泥溝南云亦

所築裴度

崇谿城志勝在縣南二十五里吳王闔閭弟夫槩

日韓卒之劔戟出于崇谿今縣界西平有崇谿

村村中有夫槩塚名曰崇陵隋仁壽中置廟

隱亭縣志在縣東一里許隱水之陽昔裴度征吳

尚存元元好問隱亭詩春物已清美客懷自幽獨

危亭一徘徊脩然若新沐宿雲澹川野元氣浮草

木微茫盡楚尾平遠疑杜曲生平遠遊賦吟諷心

自足竭来看世網抑抑就邊幅人生要適情無榮

復何辱乾坤入望眼容我謝羈束一笑白鷗前春

波動新綠又隱亭同麻知幾賦零落樓連復此遊

一尊聊得散羈愁天圍平野莽無際水遠孤城閑

不留柳意漸回淮浦煖鴈聲仍帶塞門秋登高望

遠令人起欲置烟波無釣舟又隱水句隱水復隱

水東望鴈行沒殷勤一杯酒遙耐隱亭月又張子

和詩學劍攻書兩不成年來踪跡愈如萍而今隱

水無魚釣收拾綸竿海上行宣和西譜王穀字正

叔穎川鄆城人寓意丹青居城南有小亭下臨隱

水榜曰隱亭南通淮蔡北望箕穎川原明秀甚類

江鄉景物穀常遊其上得助甚多時發其妙于豪端

凌雲臺

志勝在縣西北三十里魏文帝所築晉武

帝時會百官尚書令衛瓘侍宴于凌雲臺

即此後為

凌雲柵

鄧襄臺

縣志在縣東

南三十里

會成臺

縣志在縣東二十里

郝家臺

縣志在縣五里許上有裴晉公廟蓋裴公宣慰駐師之所也

化身臺

縣志在縣西二十里許

五老臺

縣志在邑內南城下五老行樂之處臺下有五老堂元侯治五老堂記畧夫五老者

誰歟面如渥丹眉宇秀爽非服畧繫端笏中生金翰林應奉麻徵君九疇知幾也骨格奇偉美髯過腹素衣方帽者隱君子張穀伯玉也紫服展畧容貌退然者金太醫張從正子和也方袍右袒面目夷然袖手宴坐者山堂老人也武弁短褐癯然清瘦頂錢鏡而涇翠屬者威錦堂主名予可字南雲俗所謂嘯退三先生者也金元正大間國勢將危諸老志在隱淪或棄官相就為滄上之遊吟醉笑

談傳諸邑里市民野老若與相親狎漸漬薰陶咸獲其益既以革劉暴為忠義起懦弱為淑良前輩往往能道其事今則不復得聞矣有徐季良者謂五老風聲氣習久已無傳日遠日忘恐遂湮沒將肖其像而祀之與鄉人共事之于故倉隙地構屋三楹髹飾戶牖蕭然奕壇見者起敬落成之日會者數百人咸謂不可無文以傳永久于是徐秀良徵記于僕辭不獲已乃以縣人高山景行之思之意谷之仍作詩以遺其人俾歲時歌以祠之其詩曰激野茫茫激水泱泱瞻彼五老兮儼若不忘慙遺德于千載

寺觀彼岸寺

通志在縣治西北宋時建

王孟寺

縣志在紫岡相傳宋太宗興國中王孟二巨商施建故以姓名之

報恩寺

縣志在
新店保

渠村寺

縣志在
王岡保

萬壽寺

縣志在
時曲保

普濟寺

縣志在
南赤保

洪福寺

縣志在
十五里南河保

駝口寺

縣志在
白崗保

龍泉寺

縣志在
光河保

湧泉寺

縣志在
裴城鎮李振聲至其地見寺內離
金像東約有大餘一鉄佛踞地聲詢父老

云世傳有湧泉得鉄佛
鎮始不湧世代未詳

太平寺

縣志在
凌雲保

藥施寺

縣志在
新店保

普照禪林

縣志在
陵城內

西寺

詩在城中志勝韓昌黎與李正封聯句從軍行
詩刺于寺壁按即今之西寺也時裴晉公伐

蔡屯即城退之為行軍司馬韓愈晚秋郎城令合
聯句詩從軍古云樂談咲青油幕燈明夜觀碁月

暗秋

城柝

福巖寺

縣志在
鄧襄城內明張拱重修鄧襄臺福
巖寺碑郎治東三十里許有春秋時鄧襄

侯所築寓基乃古名陵會盟駐蹕之所原隰數百
畝有峻峒陂湖遇秋夏恒雨積水盈澤水中多菱
菱荷蓮麗色奪目異香襲人士大夫常為遊憩之
所亦平原奇觀也國初時民有築居于此家輒用
不寧卜者咸曰地勢高亢非凡民所宜居僉謀為
寺名曰福巖因其古跡又名曰鄧襄寺構正殿五
楹博殿壯麗輪奐美完左曰伽藍殿三楹右曰祖
師殿三楹前天王殿山門後方丈僧舍無不壯麗
可觀厥后年久修葺之功不繼瓦甍剝落垣墉傾
頹余請重修之經營于癸亥春落成于癸亥夏矩
度改觀視前為盛
屬文以記其盛

圓覺寺

縣志在凌雲臺西

化身臺寺

縣志在新店保

清涼寺

縣志在改亦保

彌陀寺

縣志在紫崗保

崇興寺

縣志在紫崗保

白馬寺

縣志在紫崗保

南崇興寺

縣志在白崗保

興國寺

縣志在白崗保

南堂寺

縣志在葛塊保
有古塔一座

龍見寺

縣志在劉家店西

崇真宮

縣志在縣治西

龍泉宮

縣志在北河保

玄真宮

縣志在縣治北

傅士宮

縣志在縣東南二十五里

洞真觀

縣志在故亦保

紫虛觀

縣志在南十五里

祠墓商高祖廟

府志在縣北四十里世傳高宗捕蝗至此遺廟存焉

晉王廟

府志在縣東四十里

樊噲廟

府志在縣南三里

裴晉公廟

府志在縣東五里郝家潭明邵寶碑記

晉國公討淮西北五十里有鎮曰裴城唐丞相其城又以名其鎮鎮之中故有晉公祠不知其所創始蓋民之私祀祈豐穰沴往往即焉然非典也吏罔攸司葺不葺惟民歲久且敝比寶來守許行縣道祠下慨然感之乃勸其鎮之民某稍為完修建額於門設主於堂舊者以新陋者以雅有所瞻焉又請於巡撫都御史徐公暨藩臬諸公歲役一人俾繼守勿壞且為定私祀期式主以鄉民耆老有行義者而記其事於石某按韓碑元和十二年八月丞相某至師十月丞相某入蔡然則公駐茲地僅兩月耳非有居守撫治之勤而民之敬愛亦至於是豈公求民民有私於公哉誠於國故在在

而感仁於人故在在而乎其車服所臨節鉞所指
當有不言而喻者矣然方是時獻俘於朝立石記
功卒為忌者所中至有斷碑之舉抑不知碑可斷
而其感乎於人者不可忘也不然一戾止之間而
城曰裴鎮亦曰裴且祀焉至於今者亦獨何哉由
此觀之則是非之在民者公於在國其在後世者
公於在當時此理之固然無足怪也寶獨念公之
在師與賊壘相距曾不數舍而從容暇豫若無事
焉一時諸從事方且談笑為樂至形之詩咏則公
素定之志夙成之謀優為之才大受之量皆於是
乎見之夫惟素也故不可動惟夙也故不可撓惟
優也故不可克惟大也故不可測是其克成厥功
蓋有不偶然者故凡有志經世之士莫不以公為
望嗚呼民懷其思士服其德立於百世之上而百
世之下身其地者如見其人焉知是祠之不朽也
寶知是祠之不朽也於是乎記而復系之以迎送

神辭使歌于享辭曰公將降兮茲城駕風雲兮揚
霧繁歌舞兮在庭去千秋兮如有情蠲我俎兮旨
我觥右迎神公奄去兮何鄉歟遠駕兮八荒佇成
奉兮傍徨裴之城兮名之棠後千秋兮不忘右送
神唐僧懶雲題裴晉公祠獨持將鉞靖氛妖後世
英名日月昭善聽聖君非易遇將止凶豎不難梟
悲風蔓草移今古野殿空庭鎖寂寥
更有從軍老司馬勒銘文字配咸韶
堂谿廟縣志在縣南一十里吳夫槩王奔楚為堂
谿氏堂谿本房子國即今遂平之城縣境
北隣故有廟存又漢穎氏堂谿典授左氏
于延篤堂谿惠授春秋于冥都皆其後也

五老祠

府志在儒學內祀金麻九疇張穀張
從正王子可山堂老人明成化年建

漢許慎墓

志勝在縣東三十
五里名陵城下

陳實墓

通志在縣西三十里

九女塚

縣志在縣西北三十五里世說九女避亂于此不肯辱同死其處遂為九女塚惜姓

氏世代不傳

赤塚

縣志在縣東三十五里以草木不生故云

欽定方輿路程考畧

長葛縣

在州西北五十里府西南一百八十里東

界二十里少南至鄆陵縣三十里至縣治七十里

西至禹州界四十里南至本州界二十里北至新

鄭縣界二十里東至本州治五十里西南至禹

州界四十里至州治九十里東北至洧川縣三十

里西北至新鄭縣界二十里至縣治四十里本春

秋鄭長葛邑漢置長社縣屬潁川郡後漢晉宋因

之後魏移潁川郡來治東魏天平初兼置潁州武

定七年州徙治潁陰隋開皇六年復於故縣地置

長葛縣屬許州唐宋以後因之明屬許州今因之

明劉威長葛懷古詩鳳皇城下草離離溱洧河邊

柳色衰石店月明鷄斗亂村橋霜滑馬行遲鍾繇

臺廢嗟無迹葛老仙成幸有池欲駐征驂訪遺事

官書無奈迫程期
 又孫子良詩壯志何曾歎別離
 路經溱洧看晴漪
 學書臺古荒烟合集鳳城深
 日落日遲長葛牽風臨古道
 新荷貼水滿菘池
 晚來行過郵亭下
 黃鳥數聲催去期

山川 陘山

縣志在縣西四十里與新鄭縣接界唐志謂

少陘山也

在山麓名葛仙池

馬陵岡

縣志在縣北四十里延

太平岡

縣志在縣西二十五里宋太平興國中

長望平岡獨立西風對夕陽萬竈吹烟疑暮紫滿

林霜葉帶秋黃雁行南去穿雲影雅陳東來映日

佛兒崗

縣志在縣西北七

封陘岡

縣志在縣東南一十

洧水 在縣北三里自新鄭縣流入又東入洧川縣

王思政守潁川東魏來攻堰洧

水灌城城壞縣志今名雙洎河

龍淵 出長社縣西北有故溝上承洧水水盛則通

注龍淵水減則津渠輟流其壩中滋泉南注東轉

所謂淵無潛鱗也余出宰茲邑稽之故說縣無龍

淵水名蓋出近世矣京相璠春秋土地名曰長社

北界有稟水然則

是水即稟水也

雙洎河 縣志在縣北里許即溱洧河溱水源出密縣東

南十里超化寺二水過新鄭縣南合流經本縣北

東通洧川鄆陵等處達于河明張綸雙洎河詩二

水縈迴繞葛城波濤湧出助秋聲浪花層疊宜人

看水勢奔騰聒耳鳴兩岸漁翁方厭濁幾回孺子

又歌清天成地造真佳

景一望洋洋眼界明

仙翁池 府志在縣西四十里呈里保昔吳人曾立

因家于長葛號葛仙翁池有石甃遇旱禱雨輒應明

池志勝亦名葛仙池池有石甃遇旱禱雨輒應明

趙謙仙翁池詩鍊汞知何日清波亘古長有風穿

澗冷無獺趁魚忙涵鏡天心碧噴珠玉髓香夢來

誰覺早丁令兩三行又王明汲詩徹底澄清映碧

天疑從星宿湧流源仙翁魯藉烹鉛汞野叟今牽

灌圃田月到天心星浴水客臨波面鏡浮

泉塵襟對此渾如洗更問攝藍何代傳

馬跑泉

縣志在縣西五十里張史保志勝出太白山頂世傳漢光武駐兵于此無水有馬跑

地得泉

故名

白龍池

縣志在縣東十八里石廂保昔有牧童見一人衣白乘驢到此無踪尋視之見舊河

溝內有一小白蛇人疑為龍遂建

廟濬池

遇早官民祈禱無不應驗

田家潭

縣志在縣東二十里蘓村保周圍約四五畝淵深莫測俗傳有龍在內歲早取水禱

應雨恒

長明溝

志勝源出縣界西南經尉氏縣匯為大陂通志東南入大溝河

關梁董村鎮

縣志在縣東十五里又石相鎮在縣東南十八里

會河鎮

縣志在縣西三十五里

後河鎮

縣志在縣西南二十五里

石固樓

縣志在縣西南三十里

和尚橋鎮

縣志在縣西南十五里六鎮之中以石固為首中有石橋南屬許州北屬縣界

永安寨

縣志在縣西二十五里又有凌霄寨西南二十里有洪庇寨謂之四險縣西南十五里有太平寨西

北二十五里有迎水寨西北二十里有河清寨西

南十七里有朝陽寨縣南十二里有封陞寨又縣

西十五里有高峰寨縣西北十七里有金湯寨縣

西二十五里有北斗寨縣東十八里有東安寨又

石固鎮有石固寨西南十六里有鳳岡寨謂之十

六義寨共為守

崇公私稱便

齊村鋪縣志在縣東十里又有梁莊鋪道出許州

太平鎮縣志在縣南二十里

城北橋縣志在縣北三里因河沙難建石橋隨時以木為之明車明理北橋詩河口漆消近

城隈誰架長虹濟往來伐木壘城非浪費寨衣不涉免興哀魚遊水面霜鱗健人過橋心倒影回却

憶春秋賢子產乘輿能感幾人懷

和尚橋縣志在縣西南十五里明萬曆十年修造四十六年重修改名濟眾橋

三石橋縣志在縣東十里董村鎮

古蹟長葛故城括地志在縣北十二里縣志春秋時鄭邑隋置縣左傳隱五年宋人伐鄭圍長

葛桓五年鄭伯禦王戰于繻葛元和志今縣舊名

長箱城東魏武定五年高岳攻潁川時築初以車箱為樓故名寰宇記俗亦呼為長平城

長社故城括地志在縣西一里應劭曰宋之長葛也原屬鄭後更名長社水經注長葛暴

長故曰長社余出宰茲都于城南西側修立客館于土中得一樹根甚壯大疑是故社惟長暴茂者也

東西兩城在縣東北五里相去各一里左傳隱十一年鄭伯使許大夫百里奉許叔以居

許東偏又使鄭大夫公孫獲處

許西偏寰宇記即此兩城也

古城

府志在長葛縣西五里俗傳長葛古城從此

鳳凰城

縣志在縣北二十里昔漢黃霸治潁川有

縣之北張保明車明理鳳城詩惠波北去古城荒
風雨蕭蕭送晚涼入望川原迷遠近徧郊禾黍雜
青黃衝開暮靄橫鴉陣隔斷秋雲度雁

陳實故里

府志在長葛縣西四十里張史保今德

星觀即其遺址二碑尚存漢蔡邕陳太
丘碑先生諱實字仲弓潁川許昌人也含元精之
和應期運之數藝資九德總修百行于鄉黨則恂
恂焉彬彬焉善誘善導仁而愛人使夫少長咸安
懷之其為道也用行舍藏進退可度不徵許以干
時不遷貳以臨下四為郡功曹五辟豫州六辟三
府再辟大將軍宰聞喜半歲太丘一年德務中庸

教敦不肅政以禮成化行大謚會遭黨事禁錮二
十年樂天知命淡然自逸交不諂上愛不瀆下見
幾而作不俟終日及文書赦宥時年已七十遂隱
丘山懸車告老四門備禮閑心靜居大將軍何公
司徒素公前後招辟使人晚喻云欲特表便可入
踐常伯超補三事佩紵金紫光國垂勳先生曰絕
望已久飭巾待期而已皆遂不至弘農楊公東海
陳公每在衮職群寮賀之皆舉手曰潁川陳君絕
世超倫大位未躋慙于臧文竊位之負故時人高
其德重乎公相之位也年八十有三中平三年八
月丙午遭疾而終臨沒頌命留葬卒所時服素棺
擲財周櫬喪事唯約用過乎險群公百僚莫不咨
嗟巖藪知名失聲揮涕大將軍乎祠錫以嘉謚曰
徵士陳君稟岳瀆之精苞霧曜之純天不憖遺老
俾屏我王梁崩指姜于時靡憲指紳儒林論德謀
跡謚曰文範先生傳曰郁郁乎文哉書曰洪範九

疇彝倫攸叙文為德表範為士則存諱沒號不亦
宜乎三公遣令史祭以中牢刺史敬弔太守南陽
曹府君命官作誄曰赫矣陳君命世是生含光醇
德為士作程資始既正守終有令奉禮終沒休矣
清聲遺官屬椽吏前後赴會刊石作銘府丞與比
縣會葬荀慈明韓元長等五百餘人總麻設位哀
以送之遠近會葬千人已上河南尹种府君臨郡
追歎功德述錄高行以為遠近鮮能及之重部大
椽以成斯銘斯可謂存榮沒哀死而不朽者也迺
作銘曰峩峩崇嶽吐符降神于皇先生抱寶懷珎
如何昊穹既喪斯文微言圯絕來者冒聞交交黃
鳥奚集于棘命不可贖哀何有極魏卽郭淳鴻臚
陳君碑君諱紀字元方太丘君之元子也始祖有
虞受禪陶唐亦以命禹其後媯滿當周武王時胙
土于陳君其世也君生應乾坤之純質受嵩岳之
粹精內包九德外兼百行淵深淪于不測瞻智應

于無方弘裕足以容衆矜嚴足以正世然後研幾
道與涉覽文學凡前言往行竹帛所載靡不生談
其進善也疊疊焉其誘人也循循焉是以令聞廣
譽塞于天淵儀形嘉誨範乎人倫存乎本傳故畧
舉其著于人事者焉顯考以茂行崇冠先傳季弟
亦以英才知名當世考靈之初並遭黨錮俱處于
家號曰三君故得奉常供養以循子道親執饋食
朝夕竭歡及太丘君疾病終止喪過乎哀崩傷嘔
血如此者數焉服禮既除戚容彌甚聞名心矍言
及隕涕雖大舜之終慕魯參之自盡無以踰也豫
州刺史嘉懿至德命勅百城圖画形像于今遺稱
越在民口既處隱約潛躬味道足不踰閭迺覃思
著書三十餘萬言不務華事不虛飾其所交釋
合替規聖括而後建旨明歸焉今所謂陳子者也
初平之元禁網蠲除四府並辟弓旌交至雖崇其
禮命莫敢屈用大將軍何進表選明儒君為舉首

公車時徵起家拜五官中郎將到遷侍中旬有八
日出相平原會孝霽晏駕賊臣秉政肆其兇虐剝
亂宇內州郡幅裂戎輿并戒君冒犯鋒矢勤恤民
隱馴之以禮教示之以知恥視事未暮士女向方
會刺史敗于黃巾幽冀二州爭利其土地君料敵
知難不忍其民為已致死乃辭而去之于是老弱
隨幕板輅持轂輪不得轉遂晨夜間行寓于邳郟
之野表術恣睢僭號江淮國覆社稷結婚呂布斯
事成重必不測救君諗布不從遂與成婚送女在
途君為國深憂迺奮策出奇以奪其心卒使絕好
追女而還離逃姦謀使不得成國用人安君之力
也惟帝念功命作尚書令會車駕幸許拜大鴻臚
實掌九儀四門穆穆遂登補袞闕以熙帝載不幸
寢疾年七十有二建安四年六月卒惜乎懷道處
否登庸日寡實使大業不究元勳靡建茲海內所
為嗟悼凡百所以失望也天子愍焉使者弔祭群

卿以下臨喪葬有子曰群追惟蓼莪罔極之恩乃
與邦彥碩老咨所以計功稱伐銘贊之意遂樹斯
石用監于後其辭曰於穆上德時惟我君固天縱
之天鍾厥純命世作則寔紹斯文遭險龍潛抗志
浮雲所貴在己樂存事親雖處畎畝天子屢聞乃
隆卽將陪帝作鄰平原寇深遂辭其民思齊古公
邠土是因不忘諗國惠我無恨復命喉舌秉國之
均爰登卿士媚茲一人如何穹蒼不授遐年斯厥
在位每懷不申股肱或虧朝誰與詢笑
笑小子號泣于旻勒銘表德久而彌新
鍾繇臺 府志在縣治西志勝魏東武亭侯鍾繇學
書處繇故宅中臺址尚存明邢為樞鍾繇臺
詩元常臺久付荒隅書席千年尚在虛碑載繁昌
疑添竹牘成鄴下想丘墟縱橫八體迨三代噴薄
六書壓五車舊址于今思創起不須憑弔漫嗟吁
籀篆刪蕪隸始書淵源嫡派已成渠伯英龍管空

泉壤逸少驚經漫碧虛運腕紙光翻若霧臨池墨
價重如瑛珠文綠字傳來遠那有遺踪入望餘

寺觀端壁寺

志元明重修成化弘治萬曆加修
府志在東門外宋祥符五年建縣

壽寧寺

九年重修弘治十年加修本朝順治十二年
縣志在縣治東北元至正三年建明永樂

年重修三月火
復修草殿五間

聖壽寺

縣志在縣東三里
年久傾廢無存

清涼寺

縣志在縣西南朱村保金大
定間建至明正統九年重修

洪福寺

縣志在縣東南二十里宋時創建元末毀
于兵明正統間重修每晨鐘聲遠聞清響

可聽明車明理洪福鐘聲詩百八聲聞霄漢中隨
風斷續曙樓東草分僧送霜華白花覆禪堂日影

紅茆店喚醒朝去客荒村催起早耕僮
此音普濟三千界不比姑蘇夜半鐘

龍泉寺

縣志在會河西北三里許明
未毀本朝順治六年重修

鄭大王祠

在縣西十里陘山麓宋皇甫牧三水小
牘許州長葛令嚴郤衣冠族也立性簡

直雖羈束于官署常蓄退心咸通中罷任乃于縣

西北境上陘山陽置別業良田萬頃桑柘成隱奇

花芳草與松竹交錯引泉成沼疏草為臺盡登臨

之志矣夫人河東裴氏有三女長適榮陽鄭氏次

適京兆杜氏幼曰阿珊特端麗妍瑩乙巳歲年十

五矣時清明節嚴公令畫室燈陘山山西岑有鄭

大王祠乃于祠內薦酒饌令諸女縱觀日晚方歸

降及山之半旋風忽起于道左縹繞諸女塵笠陰

晦眾皆驚懼而阿珊獨仆于地色變不能言鬟上
失雙金翹乃扶持而歸名巫者視之巫譚神言曰

我鄭大王也今聘爾女為第三子婦其家處使齋
酒穀紙錢令巫者詣祠祈之既至得金翹于神座
上巫者再三請禱神終言不可明日阿珊殞便憑
巫言以達所以嚴氏遂令送服玩設禮筵于祠內
厥後每有所須必托巫言告其家嚴公夫
人即余室之諸姑也故得其寔而傳之

齊湣王廟

縣志在縣東二十里石相保高岡上唐
宋以來建廢不一明洪武年間修復

子產祠

有二一在縣西五里一
在縣西四十里陘山

陳太丘祠

縣志在縣西十五里張史保志勝縣西
有塚陳氏家傳紀謀以下八十六墓三

十六碑並在長葛陘山陽明連格先賢陳文範先
生祠記長社西行五十里曰張史保漢陳先生故
里有祠在焉不知創自何代先生嘗為太丘長稱
先生曰陳太丘稱先生祠亦曰太丘祠不名尊先

生也然祠于其鄉而稱以官未善也先生卒時赴
葬者二萬人私謚文範宜從其謚稱文範祠正德
年間祠廢不治里人樊昇倡義修之萬曆己卯又
廢樊萬復修之樊萬繼父修祠而更為伐石徵文
不愧先生鄉里之後矣余慕前修僭為序述將復
諸于守令者著為祠典庶幾尚德崇古之意先生
名寔字仲弓家出單微而性
稟至節益以見天縱之原云
卓茂祠 府志在縣東十五里明萬曆九年修崇禎
六年建閣三間于祠後十年建閣于南阜
上

任子廟

縣志在縣東一里正德十一年創建萬曆
十一年復建祠堂三間改張仙祠任子墓

在縣東一里有
斷碑并墓在



